



M pa na n wilg-y sēn yaa sōma ne yāmba n yūd sōgna? Yāmb sā n kēng y gāagē wā, maa y kēng n na n kulle, bū y sabbūh noor a pis-tā la a tāabo, la y pēg Wēnde, noor pis-tā la a tāabo, la y maan takbūre noor pis-tā la a naase, ad wānde la sōma ne yāmb n yūd sōgna

Yii a 'Ali nengē (Wēnd yard be a yīnga): T'a Faatūma, (Wēnd yard be a yīnga) a waa Nabiyaamā nengē, (Wēnd puusg la A tūlgr be a yīnga) n gomd a nus a yiibā sēn buli neerā werbā, n kot sōgna, la a pa mik-a ye, t'a togs a 'Aaīsha, (Wēnd yard be a yīnga) tū Tēn-tūum sēn wa n wa wā, (Wēnd puusg la A tūlgr be a yīnga) t'a togs-a 'Ali, (Wēnd yard be a yīnga) yeele: t'a wa tōnd nengē, n mik tū tōnd kēe gāaga, tū tōnd yeel tū d na n yik, t'a yeele, pa-y zīigē wā. T'a wa n zīnd tōnd sūka hal tū mam wa wūm a naoā maasem mam pugē wā, n yeele: «M pa na n wilg-y sēn yaa sōma ne yāmba n yūd sōgna? Yāmb sā n kēng y gāagē wā, maa y kēng n na n kulle, bū y sabbūh noor a pis-tā la a tāabo, la y pēg Wēnde, noor pis-tā la a tāabo, la y maan takbūre noor pis-tā la a naase, ad wānde la sōma ne yāmb n yūd sōgna».

[Naşon Şahūhun (Gom-sikdem sēn manege)] [B zemsə taab a zugu (A Al-Buhaariy la a Muslim n reeg-a)]

A Faatūma, (Wēnd yard be a yīnga) sēn yaa Nabiyaamā bi-puglā (Wēnd puusg la A tūlgr be a yīnga) a kūma būmb ning a sēn paamd a nugē wā sēn yaa zomā werbā vūuni, rēnd Sabū-biig (biig b sēn yōk zabrē wā) sēn wa n tall n wa Nabiyaamā nengē (Wēnd puusg la A tūlgr be a yīnga), a Faatima waa a nengē n kos-a sōgna, tū wa leds a zīigā n yik ne zakā tūumde, la a Faatima ka yēnd Nabiyaamā a zakē wā, la a mika a 'Aaīsha, (Wēnd yard be a yīnga) n togs-a woto, rēnd Nabiyaamā (Wēnd puusg la A tūlgr be a yīnga) sēn wa wā, a 'Aaīsha togs-a lame t'a Faatūma waa a nengē n na n kos-a sōgna, tū Nabiyaamā (Wēnd puusg la A tūlgr be a yīnga) wa a Faatima la a 'Ali nengē (Wēnd yard be b yiibā yīnga) b zakē wā, n mik tū b segl n na n gūsame, t'a wa n zīnd b sūka hal t'a 'Ali (Wēnd yard be a yīnga) wa wūm a naoā maasem a yāoogē wā (Wēnd puusg la A tūlgr be a yīnga) la a yeele: M pa na n wilg-y būmb sēn yaa sōma ne yāmba n yūd sōgnā y sēn kos maamā? Tū b yiibā yeele: n-yee, tū Nabiyaamā yeele (Wēnd puusg la A tūlgr be a yīnga): Yāmb y yiibā sā n kēng y gāagē wā, n na n gūs yūngo, bū y maan takbūre naoor pis-tā la a naase, n yeele Allahu akbarū, la tasbūh noor a pis-tā la a tāabo, n yeele: Subhaanallaah, la y yiibā pēg Wēnde, noor pis-tā la a tāabo, n yeele: Alhamdu lillaah; ad wānde la sōma ne yāmb n yūd sōgna.

النّجَاةُ الْخَيْرِيَّةُ
ALNAJAT CHARITY

